

# **Ҳадис дарси (71-дарс). Исломда барчаси маълум, фақат чиройли амал қилиш қолди холос**



13:30 / 05.02.2020 5144

????????? ??? ?????????????? ??? ??? ??? ??? ??? ???  
????? ?????????? ?????????????? ?????????????? ??????????  
????????? ?????????????? ?????????? ??? ??? ??????????  
????????????? ??? ??? ?????????????? ?????????? ???  
????????? ?????????????? ?????????? ??? ??? ???????????.  
????? ??????????: ?????? ??? ?????????? ??? ???  
???????. ?????? ??? ???????????.

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: «Қачонки, бирортангиз Исломини чиройли қилса, унинг қилган ҳар бир яхши амали ўн мислидан етти юз баробаргача кўпайтириб ёзилади. Қилган ҳар бир ёмон амали эса ўз мислича ёзилади», дедилар».

Бошқа бир ривоятда:

«Фақат Аллоҳ уни ўтиб кечиб юборса (ёзилмайди)», дейилган.

Икки Шайх ривоят қилишган.

Пайғамбаримиз соллаллоҳу алайҳи васаллам ушбу ҳадиси шарифларида биз умматларини мухлис мусулмон бўлишга тарғиб қилмоқдалар. Чунки ўта мухлис мусулмон бўлмай туриб, ҳеч ким ўз Исломини чиройли қила олмайди. Ўтган ҳадисларнинг бирида киши Исломининг чиройли бўлиши ичдан ҳам, устдан ҳам Исломнинг ҳамма талабларига жавоб бера оладиган бўлиши билан амалга ошишини ўрганган эдик.

Инсон ўз Исломини чиройли қилганда эса катта ва улкан мукофотга сазовор бўлар экан. Бу мукофот эса икки томонлама бўлади:

1. Унинг қилган ҳар бир яхши амали ўн баробардан етти юз баробаргача кўпайтириб ёзилар экан.
2. Унинг қилган ҳар бир ёмон амали ўз мислича, кўпайтирилмасдан ёзилар ёки Аллоҳ хоҳласа, кечириб юборилар экан. Бу эса албатта, мўмин банданинг олий даражаларга эришишидан далолат беради.

Бу ҳадиси шарифдан олинадиган фойдалар очиқ-оидин кўриниб турибди. Фақат Исломимизни чиройли қилишга уринишимииз қолди, холос.

**«Ҳадис ва ҳаёт» китобидан**